

中国近现代稀见史料丛刊【第四辑】

甲午日本汉诗选录（下）

查屏球 编著



凤凰出版社

第三部分 报刊摘录

一、《日清战争实记》

《日清战争实记》，共五十编，主编岛田薰、河村直，博文馆出版。博文馆是1887年成立的出版机构，名称取自于“伊藤博文”，经营者为大桥佐平、大桥新太郎父子，作为明治时代影响较大的出版社，极力鼓吹富国强兵与国粹主义思潮。在日清战争开战后不久的明治二十七年(1894)8月，该社就派专员报导战事并发行相关新闻杂志。小川一真在杂志上采用了刚刚从海外带入的照片铜版印刷技术，反响极大。第八编封面标有“第七编迄印刷总量百廿八万部，第八编印刷廿四万部印刷”字样。在第十编以后，此后各编发行数都在二十万以上，总数达一千万部以上，成为战时最大的宣传机器，对于煽动战争的狂热作用甚大。每一编都设有文学专栏，前载汉诗，后为和诗文，本称《文苑》，后改称为《战争文学》。其中录有时人所作的战事相关汉诗，总数达千首以上。以下即据此而录。

闻家兄率兵将赴朝鲜赋此遥寄

云心 大庭景阳

敌王所慨何忠烈，箕子山川忽流血。炮车轰轰震百雷，疑是天崩地亦裂。宣战诏已出庙堂，转观国光益发扬。水犀十万蔽海下，六镇貔貅气激昂。君今练兵九州野，横槊看月辕门下。意气勃如不暂休，欲向沙场驱铁马。捷书忽报陷牙山，虏兵半没大同湾。凤纸金名召相将，想见霁日浮龙颜。帷幄亲裁军国事，宵衣旰食劳圣意。四海谁不仰皇猷，苍生齐挥感恩泪。西望韩汉缈烽烟，杀声蹴沓落耳边。金鸡勋章入谁手，剑气光芒冲九天。羽书愈急将征战，商参相隔不相见。我应赠君百炼秋水刀，君亦与我一发神臂箭。人间若能得七生，

与君世世为弟兄。同胞同心好殉国，鹁鸽原头一片情。战云横抹鸭绿水，知君勇跃拔敌垒。马革裹尸真丈夫，誓报万世一系之天子。

日本刀

每日新闻

日本刀，日本刀，日本刀利冠万国，紫气夜冲牛斗高。在陆屠虎豹，在海斩鲸鳌。想昔北条相摸守^①，馘尽胡兵十万首。又想丰臣秀吉公，震荡三韩在只手。丰公以来久偃武，不向海外试击剖。无端鸡林踏危机，风云暗澹羽檄飞。好遇错蟠分利钝，手把宝刀挥一挥。呜呼日本刀之利冠万国，匣里龙鸣不可抑。

闻客谈鸡林近事杂然有作

五峰—坂口恭 新泻

五百年而李氏亡，果然劫运应红羊。临风空洒新亭泪，箕子山川半夕阳。

铁骑尘飞万岁楼，江山如此缺金瓯。独教惟敬参家国，遗恨君王忘叔舟。申叔舟，朝鲜名臣。成宗时与我修邻好，叔舟以书状往来。临没，成宗问所欲言，曰：愿国家毋与日本失和。后百余年，有壬辰之役。明遣沈惟敬讲和，变诈处中，和议遂破。

战鼓声中听奏箏，椒房情重国家轻。吕家产禄皆威福，大尉何时入柳营。

悬首东门事可哀，如今方要佐王才。千秋遗恨伍胥死，呜咽江头潮去来。

盱眙犹传居世干，山河破碎战云寒。扶颠须赖友邦义，既见瓠公

^① 北条相摸守：指日本镰仓时代政治家北条时宗（1251—1284），曾在“神风”的帮助下两次击退蒙古军队。“相摸”，现作“相模”。

西入韩。韩史：新罗王赫，自号居世干。时倭人寇边，有瓠公者，亦倭人，来辅国政。

独眼龙

每日新闻

鸭绿江边杀气浓，慨然蹶起望边烽。壮图曾想重瞳子，勇武今推独眼龙。弹雨硝烟多阅历，虎头燕颌见威容。将军勿失风云会，毕竟好机难再逢。

鬼上官^①

每日新闻

半夜悲歌把剑看，挺身欲向古三韩。山河百战身犹健，威武应追鬼上官。

无英雄

每日新闻

想昔猿郎余威震海外，阿虎^②亦遇云龙会。鸡林八道望风降，鸭绿江上扬旌旆。又想阿虎遭谗蒙谴时，一朝天怒撼地维。君臣露宿桃山殿，相视一笑解群疑。今日又有鸡林变，羽檄纷纷疾于电。朦朧破浪徒为耳，却使髯虜乘利便。更惊地轴忽轰然，满都恸哭声闻天。灾后人心犹恟恟，浮云蔽日望无边。呜呼谁抱猿郎略，谁养阿虎勇。久矣海内无英雄，满眼群儿似螻蛄。

① 鬼上官：指日本安土桃山时代武将加藤清正（1562—1611），因其于万历朝鲜之役中的表现而得名。

② 阿虎：亦指加藤清正，清正幼名虎之助。据歌舞伎《增补桃山谭》，丰臣秀吉听信石田三成之“谗言”，令加藤清正闭门思过。而后恰逢庆长伏见地震（1596年9月5日），清正第一时间赶到伏见城并救出秀吉，君臣和好如初。

气吐虹

每日新闻

满地腥风八道中，挺身谁试剑雌雄。神功邈矣猿郎逝，空望西天气吐虹。

正多事

日本冥冥子

唇齿辅车国，沧波咫尺通。奸人常误事，刺客竟成功。虎豹千山月，旌旗八道风。鸡林正多难，拨乱要英雄。

东学党

冥冥子

悲歌东学党，闻道逼京城。运会千年变，威腾两国兵。官军连败绩，羽檄正纵横。昨夜朦朧发，风云黯大瀛。

决雌雄

日本河北陈人

鸡林远出师，八道蔽旌旗。疆土岂侵略，山川聊保持。百年分曲直，一战决雌雄。旷日非吾事，恐令兵气衰。

在一战

漠漠生

杀气阴阴日光黑，八道山河危机逼。旁观岂我义侠心，鸡林虽小亦一国。艨艟绝海奔京城，旌旗百里红旭明。彼何为者不自揣，欲挥螳臂试抗衡。民心激昂兵精炼，神龙堪乘风云变。宣扬国威此其时，百年大计在一战。

（以上录自 1894—1896 年博文馆刊《日清战争实记》第一期）

闻丰岛战捷纪喜

铃木仙坡

投笔慨然忆远征，壁间秋水戛有声。扼腕翘企日待报，鸡林风云何状情。闻说艨艟向丰岛，连发烦炮万雷轰。沉彼运舸夺彼舰，捕获八十系在航。余众匆惶皆奔窜，或逃牙山或遁清。吾军踊跃气益奋，飞电传捷到东京。君不闻树戈曾誓鸭绿水，新罗高丽咸输诚。又不闻雄略无双吞寰宇，蹂躏八道威震明。今日用武异往昔，厘革韩廷护长城。蠢蠢鞑虏何狗鼠，敢为蠹害沮神兵。神兵赫怒如风霆，战机一发占奇赢。义州追剿当有日，屠戮且莫逸长鲸。珍重阃如虎虓士，不负日本男儿名。

闻牙山捷报遥寄远征诸君

铃木仙坡

海军奏捷凯歌频，陆兵连战拔牙山。辫发狼狽弃兵仗，成欢洪州到处奔。虏兵二千七八百，死伤五百有余人。我军所损不盈百，呐喊穷追冒险前。吾闻兵法贵迅速，胜败之机一发间。利在急战不在久，客土屯营元艰难。忆昔武侯渡泸水，多年叱咤麾风云。魏军不出投巾帟，粮饷万里空欲殚。鞑虏元学仲达智，谲诈阴计出百端。虽然千军且覆没，自恃大国外示宽。彼云倭兵慄悍岂保永，我出羸卒暂争元。旷日弥久乘疲弊，一举豫期复全韩。李爷帐下兵五万，自夸精强能摧坚。持满蓄锐待他日，黠谋暗暗胸中存。寄语远征诸将校，着眼且莫轻轻看。不悔不骄坚我阵，努力兴起日本魂。

殊 功

每日新闻

万籁无声草木眠，东方未白月如弦。胡笳俄动安城渡，烽燧忽照牙山巅。我军呐喊破晓雾，士马奋跃如脱兔。敌兵残梦尚瞢腾，风声

鹤唳亦恐惧。先登第一是何人，松崎大尉名直臣。鞍头叱咤挺身进，意气壮烈泣鬼神。手中宝刀锐且利，斫人如瓜何容易。紫电寒虹互陆离，头颅迭迭落委地。身立硝烟弹雨中，一死报国建殊功。沙场终洒淋漓血，染得旭旗红益红。想起当年鬼将军，至今英风俨乎在。名震鸡林止儿啼，熊城庙祀三百载。大尉桑梓亦熊城，与鬼将军有宿盟。九泉相遇共含笑，彼我功名试品评。

惊四夷

每日新闻

神州元气护皇基，敌忾一朝惊四夷。陇亩衰翁犹扼腕，狭斜少女亦扬眉。抚来白发频论战，典尽金钗欲犒师。请见蠢然豚尾国，人间羞耻不曾知。

安城渡^①

依田学海

威海卫^②

依田学海

绝句

大藏大臣 渡边国武

公愤谁无答圣明，牙筹在手是神兵。天津桥上果何日，发作千军万马声。

①② 诗见第一部分依田学海。

苦热行

佐藤六石

赤日炼金石，火云势吐吞。居人苦炎热，行子追尘烦。当此三伏暑，千里劳戎轩。忽闻牙山捷，爽快何可言。苦寒飙卷叶，似大雨覆盆。居人踊三百，行子喜狂奔。纵有战死者，一笑瞑九原。我旗蔽山野，我槊横辕门。矧复我军律，赏亡兼及存。存者为感泣，转令亡者尊。

园居夏夜^①

向山黄村

从军行送人于役朝鲜

森川竹磬

从军有苦乐，苦乐且休言。跨马擎旗不回首，赳赳武夫干城尊。海外远悬军，万里长征战。秋风饮马鸭绿江，扫尽獯虏夜开宴。人言从军苦，我言从军乐。从军之乐无人知，鼓吹嘈嘈马跃跃。马跃跃，气扬扬。征人忘苦不思乡，只乐灭胡报君王。

边 词

高须五湖

塞云边月梦魂惊，锦字回文犹未成。久矣韩山消息绝，寒蛩冷露亦关情。

① 诗见第二部分《大纛余光》卷二。

闻驻韩海军破清舰长句记喜

增田岳阳

丙午七月廿五辰，我舰千穗与秋津。丰岛炮击破清舰，沉没一千五百人。夺获先数操江船，大煩十五小銃千。一弹不发靖远走，风声鹤唳逃何边。当初鸡林萑苻起，日清官莅争经纶。衅端开处我有名，爰亲觉罗当风靡。胡尘黯惨牙山营，用我精兵须荡平。蔚山泗川碧蹄馆，数破明师先证明。吾皇圣武抚循恩，慰劳远戍赐醇樽。亦是勾践投醪意，将士感泣敌忾轩。犯此销金砾石暑，挥汗硝云丸雨中。视死如归不寸退，万里一战奏奇功。数节之后迎刃解，破竹之势不可收。呜呼日本刀日本胆，何不蹂躪四百州。

大旭红

台北陈人

羽书献捷九重宫，绝境山川虏塞空。应有千兵拔巢窟，岂无一战决雌雄。髑髅蔽野黄龙哭，旗旆连天大旭红。闻道白河冰结早，屯军勿使及秋风。

拍案一长息

荻原台西

久向天涯望军耗，兵鼓一挝气吐豪。京战小城真儿戏，笑夺銃炮任鼠逃。怪来豚虏久不动，旷日只恐军气挠。飞电忽接海战信，虏获一艘沉一艘。南阳湾头万雷轰，叱咤风云蹴怒涛。千五百兵葬鱼腹，宝刀元来不须膏。拍案不觉起呼快，倾尽血样赤葡萄。唯恨令此不蚤十年，老腕尚堪提日本刀。

笑丰公

台北老人

长风万里驾滕幢，徒使貔貅气独雄。此日胡尘静边上，何来战报满城中。将军帷幕干戈术，诸老庙堂刀笔功。自负文明泰西学，远征容易笑丰公。

评云：长风万里，忽驾滕幢。貔貅一万，意气独雄。干戈运术，刀笔策功。智谋学识，窃笑丰公。

上下皆怀报国诚，挺身争欲向京城，出师弥月成何事，○○韩山一万兵。

忌武功次韵台北老人

湖南壮士

风云一叱起滕幢，西海将军胆气雄。兵马有谋关塞外，折冲无○庙廊中。唐家礼乐流文弱，宋代衣冠忌武功。昨夜两邦相议破，战书惊杀牡丹公。

评云：啞哑叱咤，兹起滕幢。方顾将军，胆大气雄。世流文弱，人忌武功。优柔不断，吾惜○公。

勇士无由竭血诚，六旬扼○滞京城。当初若欠经纶策，何事韩山远出兵。

起凯歌

云龙隐士

昨日战海上，滕幢百尺摧洪破。今日战陆上，伏尸狼藉捕获多。炮烟蔽天万雷裂，日章旗底起凯歌。天兵到处孰敢敌，父老迎我壶浆过。十八省，皆倒戈。四百州，无山河。城下订盟在方寸，豚尾豚尾如汝何。

四百州

风雪居士

威震关河四百州，牙山一战气吞牛。奇兵应有冲虚策，旷日空传弥久谋。渤海波涛无堡障，燕京城阙是咽喉。长驱早晚惩顽凶，直使降旗出石头。

（以上录自 1894—1896 年博文馆刊《日清战争实记》第二期）

兵儿谣

大庭云心

将军饮马大连湾，刁斗无声月照关。叱咤风云亦容易，不教一敌出牙山。

大旗风急闪辕门，塞上烟尘万马屯。意气我军谁肯敌，欲横战骨报君恩。

不用筑城名受降，降兵悉致日东邦。锦旗所向无天险，长白山兼鸭绿江。

蒙蒙海雾乱军声，霹雳撼天天亦惊。怜汝滕幢竟无用，电光一击没千兵。

一胜教他敌胆寒，我军不动泰山安。捷书忽到紫闾里，知有至尊含笑看。

如此貔貅冠大东，十年海外足兴戎。红莲幕里多骁将，争竞先锋第一功。

深杯在手酒吹香，一任鲸吞气激昂。鼓乐奏来君代曲，韩山草木亦生光。

韩汉山川尽可娱，由来一敌眼中无。至尊遥赐南蛮草，仿佛香烟拜御炉。

虏骑胡兵没海空，凯歌声涌动苍穹。水军诸将多颜色，长画功名麟阁中。

东亚风云入战图，笑他帷幄倩谁扶。八旗兵勇如豚犬，回首咸丰有泪无。

苦热行^①

高野竹隐

送人之朝鲜

斋藤栗堂

中夜闻鸡忽大呼，慨慷投笔上征途。星低瀛海潮声壮，云尽长天雁影孤。家国兴亡关历数，书生勋业在菰芦。可怜鸭绿江头月，空照三韩旧版图。

西望鹤林一水通，蓬弧有志与谁同。天寒泽国龙蛇蛰，日暮山城鸟雀空。八道关河仍寇盗，两班将相几英雄。何人只手扶危局，异域丰碑勒伟功。

南来烽火汉阳城，羽檄纷纷正苦兵。整顿乾坤应有策，蹉跎岁月岂无情。紫山北走连高丽，玄海西开控满清。长啸雄风空倚剑，秋天寥廓一鹏横。

《阳关》唱罢独登楼，决眦沧溟万里舟。神后余威振四裔，猿郎雄略足千秋。庙堂数失膺惩策，帷幄谁参王霸谋。横槊白头山下路，寒烟乔木使人愁。

绝塞秋高木叶凋，劫余城郭马萧萧。青磷带雨髑髅哭，白日当天豺虎骄。歌管楼台悲昨梦，典章文物想前朝。赋诗谁吊檀君庙，紫气千年久寂寥。

雄心磊磊易蹉跎，阅尽沧桑感奈何。哲妇曾危唐社稷，黄巾终祸汉山河。江连大漠龙湫暗，路入空村虎迹多。万里此行须自重，酒间击筑一长歌。

① 诗见第二部分《大纛余光》卷三。

秋 声

太田杨轩

满天风露月痕低，仿佛何声似鼓鼙。坠叶纷纷扑空砌，残蛩唧唧绕孤闺。初疑匣底双龙吼，又讶林间万马嘶。晓梦惊时传羽檄，王师昨夜到辽西。

听 虫

太田杨轩

促织促织声何急，如诉如悲鸣复涩。风经露纬秋草深，一星灯火光熠熠。征妇织衣衣未成，夜深独向西风泣。

从军行

福井学圃

古闻从军苦，今见从军乐。兵勇素养深，肝铭皇恩博。当怀髀肉叹，奉命咸踊跃。同胞敦友于，家室各有托。千里此长征，军容何俨若。旭日辉旌旗，秋霜凝剑锓。我舰破汪洋，我马嘶寥廓。绝海怒涛高，露营畏景铄。再战传再捷，欢声如雷作。何当扫清都，使彼肝胆落。

安城渡

杉浦梅潭

先登身死松大尉，凛凛日本男儿气。拔剑乱河铄丸贯，笑而瞑矣何勇迈。成欢驿，牙山营，碎炮垒，鏖虏兵。叱咤风云天为动，黄龙旗裂血纵横。将军一死得其所，兵士三军哭其灵。呜呼丈夫可无报国励世，乃知一死轻于鸿毛名千载。

八月十一日敕使从一位公爵九条
道孝来奉币神宫奏告宣战谨纪^①

高野竹隐

剑舞行送将官某赴朝鲜龙山军营

萩原西畴

剑舞行，吾借君剑为君舞。英雄常抱髀肉叹，今君际会何气数。
裹尸马革今为时，英气轩轩溢眉宇。残敌今方聚平壤，一月三捷宁足
赏。歼敌朝食是常事，前有奇货君可往。兵贵拙速嫌巧久，一日万金
费可想。不然韩制亦虚文，一朝势变便纷纭。闻道李老已愁死，满清
国事不足云。径须万骑冲天津，燕京城头奏奇勋。椎牛酹酒非今事，
借箸谋成笑画地。万古快意当如斯，勿为徒尔玩凶器。剑舞行一阕
且听，举三大白君勿避。

暑夕不寐有作

高云外

韩清捷报喜先闻，虎啸长风龙劈云。岂比村中老夫子，一盆松火
破蚊军。

送人从军^②

嵩古香

① 诗见第二部分《大纛余光》卷二。

② 诗见第二部分《征清诗集》。

丰岛海战图

柳井纲斋

旌旗林立欲起风，海泛几万之艨艟。云物凄惨波涛恶，丰岛之南渤海东。敌舰诈降树白旆，欲制奇胜竟怎奈。我舰操纵自有方，胡兵争得逞狡狴。炮门一发激万雷，天柱忽裂坤轴颓。硝烟弥空巨丸落，敌之一舰见击摧。转瞬沉没快寓目，此时胡兵放声哭。黄龙旗折任波漂，一千一百藏鱼腹。其余诸舰皆遁逃，一败涂地貽世嘲。我军凯歌忽振海，舵楼剑舞意气豪。想昔元寇寇猖獗，神风一起夷舰没。当时生还仅三人，胡帝胆落壮心歇。想彼思此意昂扬，国家威武万古光。胡国请降应非远，旭旗长悬大东洋。

闻王师连捷欣然有作

甲斐河西啸月

雄心誓欲斩鯢鯨，渤海湾头霹雳轰。箕子山川遭再造，胡家君相破邻盟。浪红丰岛晨鏖敌，月黑牙山夜斫营。伫望秋风传羽檄，长驱万里陷燕京。

龙尾山谒加藤肥州庙在朝鲜釜山浦

甲斐十二峰外史

龙尾山头古庙坛，忆起当年鬼上官。乌帽三尺髯八寸，英姿飒爽据金鞍。声似洪钟眼似电，妙法莲华旗一竿。所向无敌皆披靡，胡虜闻名肝胆寒。结发从军争驰突，贱岳七枪称第一。一声叱咤冲鸡林，擒二王子加抚恤。长驱直入兀良哈，天涯泣拜芙蓉雪。百战功成镇熊府，金汤百雉映天日。义烈何让关云长，勇武亦压王铁枪。二条城里护遗孤，怀中匕首凛于霜。满腹赤心向谁说，泪洒鲁论托孤章。大厦将倾梁木折，豹死留皮人留名。英雄已逝三百载，陈迹茫茫陵谷改。征韩诸将若云霞，至今庙祀唯公在。庙前松柏风飕飕，恍闻铿锵